



PARAU FA'ARARA'A NĀ TE MAU VE'A #26

'Ua fa'arahihia te mau hi'opo'ara'a mai tei fa'a'arahia atu na. 139 hi'opo'ara'a tei ravehia i nanahi ra mahana pae, i roto i teie rahira'a ta'ata tei hi'opo'ahia, 'aita ho'e noa a'e ta'ata i ro'ohia i teie tirotiro.


Mai te 'omuara'a o teie ma'i 1302 ta'ata tei hi'opo'ahia, e mai te 'omuara'a nō teie hepetoma 413 hi'opo'ara'a tei ravehia. Te titauhia nei ra tātou ia vai ara noa e ia tāmāu tātou i te fa'a'ohipa i te mau rave'a parurura'a e ia tāmāu ā tātou i te fa'aea i te fare.

Te mau numera 'i teie mahana

Taatoara'a o te mau ta'ata tei ma'i hia i te COVID-19	55
Rahira'a ta'ata tei ma'i hia i te COVID-19 e o tei tapea hia i te fare ma'i	
- no teie taimē	1
- mai te ha'amatarā'a no teie ma'i	4
Rahira'a ta'ata tei rapa'āu hia i roto i te piha rapa'āura'a ma'i fifi	1
Rahira'a ta'ata tei fa'aru'e mai no te ma'i COVID-19	0

Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i



No roto mai : Piha hi'opo'ara'a i te mau ma'i, Faaterera'a nui no te ea

Fig. 2.



No roto mai : Piha hi'opo'ara'a i te mau ma'i, Faaterera'a nui no te ea

Mai teie atu mōnirē 20 nō 'ēperēra e fana'o mai tatou i te ho'e hoho'a'āpī no ni'a i te nu'ura'a o te ma'i i te fenua nei

Mai teie atu mōnirē, te hina'aro nei te mau ti'a mana i te pae o te utuutura'a ma'i e tāui i tāna fa'anahora'a nō ni'a i te mau nūmera o te mau ta'ata ma'i e te rahira'a o te mau hi'opo'ara'a. Te vāhi 'āpī, e horo'a ato'ahia te rahira'a ta'ata 'aore to ratou e tapa'o fa'ahou nō teie ma'i. E 'iritihia ia teie nūmera mai roto atu i te 'oehā o te rahira'a ta'ata ma'i. Te tahi noa hi'ora'a, i teie mahana, 19 ta'ata 'aita fa'ahou tō rātou e tapa'o nō teie ma'i. I roto ia rātou, ua numera ato'ahia te ta'ata ratere no te fenua Herevetia.

E pūharahia teie mau nūmera nā te ta'ato'ara'a, e, i te mau mahana ato'a i roto i te area no te hora 11 e 11 e te 'āfa.ia nehenehe te mau pupu hi'opo'a ia tu'u i teie mau nūmera i roto i ta ratou mau hi'opo'ara'a.



I teie mahana mā'a e 'iritihia ai te fa'ahora'a « pere'o'o hopoi ma'a »

Nō te tauturura'a i te feiā e fifi nei na roto i te tupura'a o teie ma'i « COVID-19 » e rave rahi taiete e fa'atae mai nei i tā rātou mau tauturu. I teie mahana, te fa'atupu nei te mau toa Hyper U Pirae, Super U Venustar e Super U Tamanu tei fa'aineine i te tahi mau pèrè'o'o hopoi ma'a, ia nehenehe te huirā'atira ia fa'a'i i teie mau pèrè'o'o i te ma'a, mai te raiti, te punu 'ina'i e te vai atu ra.

Teie mau tauturu matamua, ua fa'anaho 'amuihia e te pū e ti'a'au nei i te parau nō teie ma'i COVID-19, te mau pupu no te Tatauru 'Ura. Na ratou e ti'i i teie mau ma'a i te mau mahana ato'a e nā rātou ato'a e 'opere i roto i te mau 'utuafare .

Te piti o te pupu tauturu, te toa Super U nō Taravao e te mau pupu Tauturu a te Etaretia Tatorita no te feia no Tairapu. E ha'amata mai ratou i teie hepetoma i muri nei.

Te ti'aturihia nei ra e te vai nei a te tahi atu mau taiete e toro mai i to ratou rima nō teie fa'ahora'a.

TE PORO'I NŌ TEIE MAHANA

E ma'i tāmāu tō 'oe : A niuniu i tō 'oe taote. A rave tāmāu i tā 'oe ra'au.

Te ha'apapu maira te mau taote e mea rahi roa 'outou tei ore e 'ite fa'ahouhia nei i roto i te piha hi'opo'ara'a a tō 'outou taote. 'Outou ihoa ra e ma'i « tension », ma'i mafatu, mariri ai ta'ata, « goutte », omaha tihota, e ua rau atu to 'outou mau ma'i tau roa (longue maladie).

Parau mau, ua fa'atiahia te mau taote e rave te mau aparaura'a na roto i te niuniu no te fafa atu i tō outou huru i roto i te ma'i e na reira ato'a te fa'aroara'a ta 'outou parau ra'au e 2 avae.

Te ARAIRA'A 'i teie ma'i. 'E mea faufa'a 'ia fāaha'amana'ohia, 'e'ita teie tiro tiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.

MĀURUURU E FA'AITOITO